

續修四庫全書

《續修四庫全書》編纂委員會編

續修四庫全書

上海古籍出版社

一四二一・集部・別集類

望溪先生文集十八卷集外文十卷集外文補遺二卷年譜二卷（集外文補遺卷一至卷二）

〔清〕方苞撰

硯谿先生集十一卷總目二卷

〔清〕惠周惕撰

秋影樓詩集九卷

〔清〕汪繹撰

穆堂初稿五十卷

穆堂別稿五十卷（初稿卷一至卷三十八）

〔清〕李紱撰

一

六九

一七一

二〇一

方望溪先生集外文補遺序

予榮望溪先生全集既成之秋往揚州道金陵見湯丈
兩生兩生爲言寶應湯品三曾持望溪遺文冊子求題
走訪之則得記湯玉聲所書周官經文後一首既屬徐
懿甫騰書山東求高密單徵君藏本壬子春入都過台
肥得之獲文十有九篇讀書筆記數十則邵映垣比部
又摘先生史記評語歸予既旋里將合祭之復檢得先
生時文稿自記二則與沈畹叔尺牘三通彙爲集外文
補遺先生之文至是搜羅殆盡未必先生之所許也而
天下好先生文者則莫不以爲快焉其故何也良由先
生躬程朱之學本其心得發爲經說文章義理精深醇

望溪集外文補遺序

正多洽乎人心之不言而同然乾嘉時漢學攷證家矜
其強記博聞往往以細故微誤指斥先生經說并及文
章而卒其所自爲者瑣碎支離悖義傷道其優者亦第
分學中格物之一端於聖道爲識小求其開通義理周
浹旁皇如先生之有益於學者身心實用不可得焉而
其文章鉅制滯拙更無當作者平心論之宇宙間無全
漢學家不過名物象數音韻訓詁未能剖析精微而於
誠正修齊治平之道無損也而確守程朱如先生者多
一人則道著於一方遂以昌明於一代先後承學之士
私淑之徒猶能挹其緒餘端其趨在卽用以讀漢學家
書亦能辨精粗知去取不流爲尾瑣無用之學彼世之

識先生者自謂能做以所不知而豈知彼之所知以先
生之學衡之固不必其皆知者哉先生學行歿宜祀于
鄉也而方其歿時中朝媚嫉者多鄉人未以爲請予昨
刻文集蘇厚子以呈方伯李公兼言未祀鄉賢方伯欣
然命桐人舉請予與厚子所爲於先生無增益也獨後
進宗仰之哀至是始慰焉爾映垣又爲細審刻本誤字
云是書將傳久遠必求毫髮無憾房掖垣王研雲蘇厚
子亦先後讎校今悉依而正之單徵君名爲總字伯平
所弄遺文云得之其族祖紫溟公諱作哲者望溪先生
之弟子也數君子者皆有功於先生不可以不附識也
咸豐二年壬子十月後學戴鈞衡識

望溪集外文補遺序

望溪先生集外文補遺目錄

邑後學戴鈞衡編

卷一

書後五首

記湯玉聲所書周官經文後

書諸公贈黃尊古詩後

書李雨蒼札後

記時文稿輿於詩三句後

記時文稿有為者譬若掘井一節後

書六首

與德濟齋書

望溪集外文補遺 目錄

與陳中丞書

答翁止園書

答劉月三書

答梁裕厚書

與梁裕厚書

送序二首

送德濟齋巡撫甘肅序

送張輅文省親序

墓誌銘四首

邵抑齋墓誌銘

李皋侯墓誌銘

李世黃墓誌銘

張巖舉墓誌銘

墓表二首

黃耕山墓表

張文端公墓表

哀詞一首

喬又泓哀詞

尺牘四首

與顧用方

與沈晚叔三首

聞見錄三則

望溪集外文補遺 目錄

卷二

讀書筆記

史記評語

記湯玉聲所書周官經文後

萬物之聚散皆在周官其端緒條理不可以遽通也余中歲始學焉其職或分或聯其事或列或否或詳或略其辭或損或益或先或後參差相抵而精意與事實皆具於空曲交會之中而先儒多各就本文以為之訓故其覆之未發者為多程子有言春秋一字有異或上下文異則義必異是即記所稱屬辭比事之教而治周官者所當取法也昔朱子以春王正月不可遽通遂絕意於春秋之學及今攷之周人即以子月為春義具經文顯然可徵以斯知二經之微指隱義非熟於本文其端緒條理不可得而見也余晚學周官苦其難熟欲書經

望溪集外文補遺

卷一

文為六冊日挾其一候公事之隙及服車中時發而誦之恨衰疲不能手書閒與寶應劉生道此會湯君王聲客劉生所生因以相屬逾月以所書天地二官來余為心開自日中至嚮晦玩而不能釋也湯君以善書著淮南求索者跡交於戶日不暇給今為余書六七萬言而不以為煩又探予之情而速就焉自顧無可以得此於君者倘天假余年得補舊學之缺俾是經未發之覆次第開通而無遺憾則君之就此豈獨為德于余者鉅哉

書諸公贈黃尊古詩後

余自中歲以後交遊日稀雖當世知名士或不聞其姓字近益衰病自弛親知故舊以文墨相屬十無一二應者雍正六年孟冬寶應劉篁村持一軸一帙過余曰黃君尊古奇士也年今七十矣少學繪畫嘗獨身行萬里徧覽海內山川面勢以發其奇名公卿賢士皆樂與之遊爭為文與詩以張之獨自念與先生並世而未得面必句一言而歸老焉余固辭篁村委而去歲既晏偶展其軸則高山深林余意中所欲觀之氣象也發其詩平生執友並前輩知余深者凡六七十人與焉余生山水之鄉幼而樂之顧終身栖栖比邑連郡數百里開眾所

望溪集外文補遺

卷一

熟遊未得一遇目每當舟車奔走遙望林泉中心輒惘惘然又閱諸君子詩其言笑音容宛然余前而無一存者用此始而欣然既而益愴然也因書以附諸君子之語後黃君名鼎虞山人

書李雨蒼札後

吾友永城李雨蒼年七十有八而好學不衰乾隆二年冬以書來言有孫廷直聰明質仁甫成童徧誦五經而天死念所學莫之能承每發書輒隱慙而中輟焉憶余出刑部獄過所知其人初授館職飭之曰君自是可一意於古人之書矣作而曰吾不能未敢為違心之議也時人爭傳余行後某立招狎客吹竽擊鼓號嘯竟夕以被除不祥他日以實叩之曰果有是敢匿情乎吾輩於書特陽浮慕之耳若誠好之不祥孰甚焉嗚呼觀廷直之天枉豈得以斯言為妄哉在昔吾弟椒塗及亡友張樸村之子直方李剛至之子習仁皆然求其為之者而

望溪集外文補遺 卷一

三

不得也及觀程邵公誌乃知人之賦生精一者間值而難久焉又觀邵子所云而知天之生人其精神固不能以數聚焉嗚呼二子其知之矣豈書能為之崇哉

記時文稿興於詩三句後

海南許公視學江左時余在京師公遺宛平高先生書稱為江東第一能文之士還江南謁公于澄江未嘗執諸生之禮稱謂用後進所施於先達者越日公招飲使院同謁者聞之大駭余乃自悔失禮而公愛余益厚居門下者乃莫能先焉癸未榜揭公見韓城張先生言闈中得曠九號卷淵懿高素有陶鄧之風必海內老學細叩則余文也二場屬對工者尙能舉其詞余時南歸薄遽未得繼見踰歲而公出理北河每見朋游必屬曰為我語方君家貧親老乃為舉世不好之文以與羣士競得失將以為名邪何所見之小也今年入試禮部易為

望溪集外文補遺 卷一

四

嚴整明暢之體蓋感公相責之語而自悔曩者辨義之未審也此篇乃臨場揣摩之作故并記所由以識余之鄙劣而數為賢者所器重蓋深懼其無以稱焉

記時文稿有爲者譬若掘井一節後

此乙酉江南鄉試題表弟鮑季昭文抑於同考而爲主司所賞刊入鄉墨余未之奇也攜入京師潛虛大南北固皆嘆賞安溪李公以爲天下奇才當勉以著述余歸寓覆視之仍無奇還江南偶以三題課兄子道希因自擬作審察題義取鮑作再三視其首篇詞義俱拔出先輩之外次篇理備法老更無從出其範圍惟三作精神未旺因握筆爲之含意聯詞便覺其文亦親切有味中幅竟沿其意惟前後稍展拓耳夫以親戚暱好之文再三審視猶幾失之世之司文章之柄者未必有過人之明而一不當意遂棄如遺跡他人善之轉生媚妬何其用心之不忍也記此使聞者省焉

望溪集外文補遺

卷十

五

與德濟齋書

臺灣未開不過島夷一蟻穴耳既開之後沃野千里粟溢泉漳物產豐盈盜賊覬覦故叛亂頻作幸而速平若措注失宜不惟七閩之憂乃濱海九省之劇患也雍正年督撫請築郡城僕爲駁議視鄂朱二相國先帝尋改成命特降明諭以覺羣愚乾隆二年大吏復請九卿中無一知有前諭者僕檢示然後相顧愕然公今作督若不能遠慮則終無可望矣蓋郡城一築設有變亂官軍雖入鹿耳門必坐困於賊僕前議所已詳也然計萬世之安非削除鹿耳門之險終無完策往者鄭克爽朱一桂之平

望溪集外文補遺

卷十

六

王師皆連船澎湖之澳以伺風潮風潮時激水高港平眾艘齊入故功成於旬日若賊先設守於澎湖則我師不能暫停況久伺風潮之便哉其餘南北路不過打狗東港淡水鹹水笨港巨舟可入而大洋中舟無所泊拒守甚易攻入則難若有雄傑多智數者竊據其中擁百萬之眾粟支十年我入則難彼出則易北至登萊天津遼東南至廣東乘風帆皆旬日可到豈獨閩浙江南前此數遭寇掠哉僕問之閩人多云是乃天險巨石互盤下皆鐵沙不可疏鑿此庸人之見耳龍門蜀江上古皆能開通況後世器械益備人功益巧山海關立鐵於海中端溪之石穿泉以取鹿耳雖險石出水面者可火焚

而醅解也隱伏之沙俾沒人下鑿深丈有五尺則無不可入之舟矣公試集土人叩以自鹿耳門通安平港焚石壘沙廣五十丈用人工帑金之數懇切入告先開門左右各二丈以為式然後次第興作積以歲月何患無成其然則如廣東之瓊州少建城堡分設州縣永永無患否則一旦有故欲如前此候風潮而入不可得也

與陳中丞書

僕常痛自先兄歿尋常言動不復有所畏忌自劉君月三張君彝歎歿雖有耳不得聞其過忽得手書責以循不肖子道章之妄舉且誦且懼為感為愧欲具列所以則不肖子無以自比於人欲隱而不言則僕之惡亦有難自任者是以涉月經時而無辭以對也雖然執事乃不肖子所宗師而僕之畏友也敢匿情乎往年八月僕遭熱疾而醫者以為寒藥物誤投幾死者數矣至仲冬望後稍蘇聞道章闡墨見之始大駭詰其故曰此謬廷先生所刻同門卷也先生削定首篇章謂與後二篇不類請存其真而以先生所定為改墨先生從之章未嘗自刻也問其出幾時則已徧流於朋齒矣是子也愚而自用卑幼而自尊其顯過則不聽於師而隱隱則不告於父一舉而四惡備焉此僕所以隱痛而不忍言也然僕未前見其文則有不待辨而明者其首篇多誹語惡調其誤用經書者四焉使僕見之肯眾播其謬醜乎今經書誤用者已屬誇廷先生改刻其明徵也抑更有恨者士競文術而忘行義其邪惡藏於肺腑欲洒而濯之師不能得之徒父不能得之子不肖子聞經書之誤用則目焚而色沮而失禮於師取憎於父則未見其內慙而食不下也往者京師士友知僕時危疾頗有私責章者章聞之蔑如及見執事教督之言始知以冥行上累

其父乃稍有懼心焉使過此以往終不能悛則不惟執事宜揮之門牆僕亦將舉古放逐之禮庶其困而悔乎後曾屬楊君致周官集注邇年時復改易將更寫並所著喪服或問及辨正周官戴記詩書子史爲劉歆所僞亂者十餘篇相質然非得信使慮有浮沈未敢輕付言不盡意勞積何如

答翁止園書

往歲聞流言已達於山右甚恨之致書梁君以釋其疑而杜謗者之口不以告者以吾兄之清介而鄉人每反其事以相謗傷不言其故則無爲通書直言之又恐爭辨滋彰如泥中之鬪獸今年得兄子希及兒章家書復告梁君敘貼諸經亦非吾兄不可屬卽以鄙意相聞又附書家郵中以報豈俱未達邪前後來示僕再三推究竟不識指意所屬鄙意止就崑山刻本存其可者而雜以注疏大全俾購者易得而用功亦有節次始事時已詳言之矣至編纂則通論大體者別爲一編或弁於前或附於後章解句釋各列本文下此一定之法吾兄所編易解既有成式矣所謂詳閱者欲吾兄於僕所採芟其支蔓於已所增明注其旁又已詳言而屢屬之矣不知吾兄所謂立一主宰設諸條例者更有何等義法是以難於置對耳僕嘗欲每經匯漢唐至元明義疏爲一書其通論大體最要者爲綱領其次爲總論章解句釋者則分八類首正義次辨正次通論次考定次考證次餘論次存疑次存異存異則加辨斥焉但專錄崑山刻本除去所載注疏大全則所謂綱領者絕無而正義亦罕有吾兄幸酌度若正義尙多則總論別編不必標綱領敘列八類於章句每條之下不復以時代爲次亦可使覽者開卷了然自今先編春秋次尙書望切究之

不宣

望溪集外文補遺 卷一

十一

答劉月三書

連得手示皆慮不孝子以哀致疾此不孝子平日飾行
隱情以致久故如兄猶未忘其薄戾冥頑之實也傳曰
哀樂不失乃能協於天地之性是以長久故先王制禮
哭泣辟踊所以達哀愠而安心下氣於養生之道非有
所違不孝子所內自恨而不容於心者少壯無良重微
利而輕色養計數生平在二親之側日月甚稀繼又自
作不典使衰疾之母北來就養未獲數歲之安而永棄
其孤不孝子心絕志摧宜十百於恆人而自忖乃不及
十一此心頑然與禽獸無別故不敢匿情於執友之前
望語二三君子使知不孝子不得復置於人數中其辜
歟不可少減此義惟吾兄必灼見其然是以敢私布之

望溪集外文補遺 卷一

十二

答梁裕厚書

聞足下南行專爲排纂宋元經解不獨信義著於朋黨且使七百年先儒苦心耿著於世而有功於先聖之遺經非足下志力遠過眾人豈易成此來示欲並刻僕所刪取五經大全足覬所志闕遠但大全行世近四百年家有其書且崑山刻本中所刪取有不能遠過大全中所艾難者矣並刻之恐轉生學者之疑果能不惜工費僕有批點補注史記刪定補注管荀二子半大全之費便可刻三書其行世尤速將期月而徧布於海內可使學者因文以嚮道益信經解之刪爲不謬而爭先欲覘也止園編次易說尙未郵致鍾勵暇從其父於江西適

望溪集外文補遺

卷一

三

發憤以十月朔閱崑山刻宋元經解刪本而事殷日短涉月三日始畢周易第一冊更清寫并原本寄覽望校勘無訛仍寄示俟卒業再議發刻此書成然後以僕所刪大全益以所擇注疏及折衷內羣儒語及是編切要者別爲一書則此經之義訓粗匯矣止園用古易編次其說雖本朱子但孔子始作十翼時文王彖辭周公爻辭本各爲一編安敢以己所作與先聖並列後世既以程朱及羣儒語注彖辭爻辭下則以孔子之傳近附爻爻俾先聖相承相變之義後儒引伸辨難之辭開卷了然未嘗非治經之法況自注疏大全流布海內學者日

望溪集外文補遺

卷一

十四

習而心安之久矣今必分之使覽者既畢爻辭而後別觀孔傳則前說遺忘義意無由泐洽欲尋其相承相變引伸辨難之意緒則方觀於此而又檢於彼反耗精而費日凡此皆立異求名非灼知治經之體要而親嘗其甘苦者也止園精神血氣日衰仲秋抱疾至今未全愈大懼薄祜未能久留於世以觀是書之成也恩恩不盡

欲言

送德濟齋巡撫甘肅序

孟子言士能尚志而居仁由義則大人之事備而求仁取義則自無願於膏梁文繡始嗚呼伊傅周召之事業不可以望之漢唐以後之名臣其根源以此而已惟漢袁安楊震諸葛亮宋王曾范仲淹天資近道故其志亦巍然特出於二代然皆家世儒素初未染於膏梁文繡及學之成行之堅則雖富貴而無改於前度耳吾友德公濟齋系出

太宗少藝勇絕人年二十彘弓韜劍篤志聖賢之學閉戶窮經三十年其學尤專於易所為圖解能引伸先儒之緒而自發其心得其躬行則以養大體為宗而實踐

望溪集外補遺

卷一

十五

之常避所應承公爵俾兄子嗣焉

世宗憲皇帝知其賢雍正十有三年起家為兵部侍郎乾隆元年秋出為古北口提督二年春

特簡巡撫甘肅蓋以此地控制西域固抱秦隴師旅初罷民氣未復而武備又不可弛布德壯猷非公莫屬也夫治法兵謀要本於仁義仁者愛人則惡人之害之義者循理則惡人之亂之一路數千里之間牧民訓卒不得不寄之令守將校其中可信其愛人循理者未必十四三而當防其害之亂之者十常六七大府以一人穹然於其上耳目思慮不能悉周而左右親故又未可深信故朱子提舉刑獄猶受詭於紆民事久而後覺之以

公之篤於仁義平生所實踐設誠而致行之吾既為公必之矣至於情偽百出變詐之設能使東西易面而人不知必能深以通天下之志幾以成天下之務剛柔迭用動靜不失其時然後能極於仁之至義之盡而無憾焉昔孔子嘉管仲之功許以仁而惜其器小子產為政至於嚴猛而稱為惠人又曰子產猶眾人之母也能食之而不能教也以是參互而求之則大道之行三代之英子所云有志焉而未逮者其根源與氣象規模皆可得而見矣叔父嘗述先君子之言曰武侯學伊傅周召其功之未成而道亦微缺蓋其遇為之管仲才畧正與相匹而本原則未清子產之規模亦近之而視武侯之志氣儼乎上下則迥異矣以惻誠不及也漢袁邵公楊伯起李于堅宋王孝先范希文皆顯學伊傅周召者其

望溪集外補遺

卷一

十六

志事與武侯同而才畧則遜焉此不及于堅以非儒素耳道承識

送張幹文省親序

余嘗邁瘧寒疾幾死於羣醫劉生大樾借其友張君幹文至曰此不知病之陰陽而方與脈反也和劑飲予數日而愈自是衰疾恃君以無恐乾隆五年冬君以再世窀穸未營兼圖兄弟之孤蔭以安其母請假歸省乞贈以言以君之久故而德於予予言可苟易哉始君治舉子業久不得入庠序遊京師無所遇自効於北河浮沈卑散一旦以相國西林公之薦

天子擢爲兵部職方司主事計卽弱冠登科歷州縣循階而升爵秩不過與今等耳相國之義

天子之恩豈易稱哉凡國家設官分職皆以除政之蠹

望溪集外文補遺

卷一

七

去民之疵也譬之於醫最上者消疾於無形其次治之不失其方若方與脈反則日殺人而不自知然醫者之失術與仕者之曠官事同而情則異焉其視政之蠹猶鄰有敲器棄材謂匡而飭之非吾事也視民之疵猶行見路旁之廢疾心亦哀之而謂非吾力所能及也而凡可以謀進取便身家者則思極慮周而無微之不達蓋其精神心術併注於斯則外此自有所不暇詳不能顧焉耳嗚呼醫之失術眾共棄之矣而巧宦者則陰敗其官而眾爲之蔽上莫由知此政之蠹民之疵所以滋深而不可救藥也君行篤於家信彰於友朋果能以自力於家者殫心職業以無負於友者勤恤民依則豈惟加

於容容者一等哉余老矣不獲見君志業之成自今以往守官守道時以吾言反躬而實驗之

望溪集外文補遺

卷一

十八

邵抑齋墓誌銘

君姓邵氏諱悛字抑齋其上祖曰宋康節先生高宗時子孫南遷居慈谿明初自慈遷鄞九世祖玉始舉乙科遂世爲士族君父力學不治生產業貧君童稚常與兄荷畚挾鋤取草根以饜息則倚樹倍誦所受書既長並爲名諸生而君家居教授以養二親餘三十年雖足不出里閭常苦爲生徒羈不得朝夕色養其暫歸左右無違每夜分父母趣就私室至再三乃退父母沒逾大祥猶泣血目病久不瘳食於人遇珍異終身不茹蓋私痛未之能以養也通周易尙書詩禮自漢唐宋元諸儒義疏以及周秦以來成體之文莫不研究而皆用爲帖括

望溪集外文補遺

卷一

九

故其精光迴出於眾一時名輩見者多傾心而數困於有司突已始舉於鄉畢禮部試遘疾遂客死京師浙東西生徒聞之號哭而起弔者數十百人君既沒六年而子基成進士官翰林浙士大夫曰此其父務學敦行所

營積也時余領

武英殿修書事請基自助基操行不苟乞余文以奠幽宮懇款而有辭乃敘而銘之君父諱梅歲貢生母顧氏生四子君其仲也妻郁氏有賢行能操作躬盥饋佐孝養後君數年卒君之卒也基在鄞孺人卒基官京師故雖宦遂而恆以茲自痛君卒於康熙某年月日孺人卒於雍正某年月日以某年月日合葬於某鄉某原銘曰

克惇厥行終蹇其生惟學之遺既沒而光亨茲銘無溢眾言可徵

望溪集外文補遺

卷一

十

李舉侯墓誌銘

君諱清江字舉侯安溪人兵部主事訥菴公之孫吾友抑亭三子也自文貞公治易詩書季弟耜卿先生治三禮而訥菴公徧覽九流百家之書由是子弟皆興於學自文貞伯仲通籍六十年間親屬舉甲乙科者三十餘人故余於李氏子弟不問其文學而獨考其實行及才之有以爲雍正五年抑亭視學江西君試禮部一再見余體恭而氣和誠溢於言貌不異子弟之承父兄蓋心知其父與余深也踰歲而得君之凶問黃生世成抑亭所貢士也介抑亭以請業於余常留使院見君鷄鳴而起夜分不息檢攝官中文書獄訟以及賓從隸圉米鹽

望溪集外文補遺

卷一

十一

凌雜細大不遺又以餘力論定試藝而刊布之其卒也父兄失所倚院中士友莫不感傷逾時而不能已嗚呼余兄弟三人弟性篤孝兄則隱厚而剛明惟余劣且愚乃弟早夭兄中道亡而余獨存自有知識行遊四方所聞見多如此明道程子有言賦生之類雜糅者眾而精一者間或值焉則其數宜不能長謂儲陰陽之精而將爲成德者也而以余所見資才之少出其類者亦多不及其成豈凡書傳所紀功見言立而有聞於後者天之所畀固非偶然用此多不及其成而中毀與是不可得而推也君既歿黃生輯其遺文言多成理者卒年二十有六妻萬氏聞喪哀痛成病浹月而亡有子曰本端方

五歲雍正八年九月初二日合葬本鄉之卑烏尖山其兄積齋請誌墓銘曰
力盡於父兄愛遺於友朋身之不祿而行則有終茲銘不敝愴無隱於幽宮

望溪集外文補遺

卷一

十一

李世黃墓誌銘

雍正七年秋閏七月二十一日余暮歸聞安溪李世黃
過余越日往視之則故疾作不能聲再往視之則輒以
衾將襲矣乃啟其面執其手而三號焉始吾見君於相
國文貞公所李氏子弟在側者多不知其誰何其後與
君二昆友善乃少辨君之名字丁未春君復至京師就
春官試時仲兄世邠視學江西君與伯兄世來居無何
詔選翰林教諸王子世來與焉君獨居曲巷入其室圖
書秩然所手錄儒先語及周秦以來古文凡數百帙叩
之應如響余欲別擇唐宋雜家古文屬君先焉所去取
同余者十九見余周官之說篤信之時有辨正必當於

望溪集外文補遺

卷十

三

余心其自爲說去離舊解而於經義有所開通者以十
數余病且衰平生執友凋喪殆盡得君恨相知晚常悔
曩者交臂失之而君用此益傾心於余旬日中必一再
見君之年長矣家世貴盛有子五人其長者已露頭角
而每接余貌肅而言恭如見其所嚴事者他日世邠曰
吾弟性簡傲於時聞人相視恆漠如然後知君於余蓋
有不知其所以然者君以仲春邁末疾甚劇及夏世邠
至自江西始能強步循階除不出門庭者數月矣前卒
之三月疾若蘇駕而詣余詰旦氣動語閉遂不起其喪
之歸也余欲爲誌銘以付其孤每執筆則心惘焉如有
所失而止既踰歲乃克舉其辭君諱鍾旺康熙戊子舉

人卒年四十有六所著周官說詩古文雜錄藏於家曾
祖諱先春不仕以好施能急人難聞鄉里祖諱兆慶歲
貢生遭亂曾入賊壘以口辨活千人並以文貞公贈光
祿大夫考諱鼎徵康熙丙午舉人戶部主事妣莊氏妻
陳氏子濟泰雍正丙午舉人道濟己酉舉人清翊始受
書清翎清翊幼以某年月日葬於某鄉某原銘曰
進之躡而學乃通志之宏而業不終嗟所命之自天匪
於君而獨然

望溪集外文補遺

卷一

五